



Pou Piblikasyon Imedya: 12/04/2021

GOUVÈNÈ ANDREW M. CUOMO

## GOUVÈNÈ CUOMO ANONSE ETA NEW YORK PRAL BAY ALOKASYON SEPARÉ 35,000 VAKSEN COVID-19 POU ETIDYAN NAN INIVÈSITE YO

*Alokasyon inisyal 21,000 vaksen pou etidyan nan rezidans SUNY ak etidyan ki pa rezidan yo; 14,000 pou inivèsite prive yo*

*Sit vaksinasyon an mas Eta a ap jere nan Suffolk County Community College, SUNY Old Westbury pral administre alokasyon yo bay etidyan SUNY yo nan Long Island*

*Nouyòkè ki genyen 16 an ak plis yo kalifye kounye a pou vaksen an*

*Etidyan yo ka pran randevou nan fakilte yo*

Gouvènè Andrew M. Cuomo te anonse jodi a ke Eta New York ap bay yon nouvo alokasyon separe 35,000 vaksen pou adrese popilasyon etidyan an nan fakilte SUNY ak inivèsite prive yo. Alokasyon inisyal sa ap genyen 21,000 vaksen pou administre bay etidyan SUNY yo ak 14,000 vaksen pou administre nan inivèsite prive yo. Vaksen yo ap administre bay etidyan rezidan ak etidyan ki pa rezidan k ap kite pandan sezon ete a.

Gouvènè a anonse tou ke nouvo alokasyon vaksen ki dirije a ap administre an pati bay etidyan SUNY yo nan sit vaksinasyon an mas eta a jere yo nan Suffolk County Community College nan Brentwood ak nan SUNY Old Westbury nan Old Westbury, toulede nan Long Island. Etidyan yo ka pran randevou nan fakilte yo. Nouvo alokasyon sa yo ap pèmèt Eta New York vaksinen nan fason ki pi efikas popilasyon etidyan inivèsite a nan patenarya ak founisè medikal eta yo.

"N ap konsantre kounye a sou etidyan yo, e nou vle vaksinen etidyan yo anvan fen ane lekòl la. Popilasyon 18 a 24 an ap ogmante nan pozitivite, e anpil nan yo nan kolèj ak inivèsite. Sa fè tout sans nan mond lan pou itilize lekòl yo kòm baz vaksen an. Sistèm State University of New York (SUNY) la ap pran devan lè li yon modèl pou vaksinasyon etidyan nan kanpis inivèsite yo", **Gouvènè Cuomo te deklare.** "Eta New York ap anonse ke n ap bay alokasyon dirèk bay kolèj ak inivèsite yo pou yo ka vaksinen etidyan yo nan fakilte yo epi ede nou kraze bêt COVID la anba pye nou. Sa se moman opòtinite e nou fè COVID la pran lafuit, men nou dwe rete New York solid ak New York entelijan. Nou te konsantre sou moun ki pi granmoun yo nan kòmansman pwosesis sa, e yo te priyorie a, men nou bezwen iminite kolektif e nou bezwen pou chak Nouyòkè vaksinen, e sa enkli jèn moun ak etidyan New York yo. Nou pral fè sa tounen yon

reyalite, e mwen vle remèye SUNY an patikilye paske li pran devan, men mwen ankouraje tout inivèsite yo pou patisipe."

**Chanselye SUNY an, Jim Malatras, te deklare**, "Vaksinasyon etidyan SUNY yo anvan yo kite pou vakans ete a se kle pou restore nòmalite nan kanpis nou yo lè etidyan yo retounen nan sezon otòn nan. Mèsi a Gouvènè Cuomo ak Eta New York paske yo sekirize vaksen yo espesyalman pou etidyan nou yo—yon mouvman k ap mete nou nan liy final la pi vit epi nan fason ki pi efikas. Etidyan nou yo te yon modèl ki briye pandan tout kriz la, avèk egzamen obligatwa chak semèn, politik mask, epi k ap ede nan premye liy—epi rezulta a se yon to pozitivite ki ba sou kanpis nou yo a 0.32% pandan semèn ki sot pase a. Etidyan nou yo te klè kou dlo kokoye sou kesyon sa: yo vle vaksinen. Ant sit ke eta ak konte a dirije ki egziste sou kanpis nou yo, genyen pwen distribisyon espesyalman pou etidyan yo ki emèje, ki atribye dòz vaksen, ak yon kanpay sansibilizasyon piblik an mas—nou p ap rekile devan anyen pou vaksinen etidyan yo epi ede mete fen nan pandemi sa."

Sit vaksinasyon eta a jere yo ap administre yon pòsyon nan nouvo alokasyon yo ki sitiye nan adrès ki anba yo:

**Suffolk CCC - Brentwood**  
Suffolk Federal Credit Union Arena  
1001 Crooked Hill Road  
Brentwood, NY

**SUNY Old Westbury**  
Clark Center - Gate C  
Store Hill Road ak Cherry Road  
Old Westbury, NY

Nan dat 6 avril, Rektè State University of New York la Jim Malatras te anonse yon pwogram ki fèt espesyalman pou kòmanse vaksinen etidyan rezidan SUNY yo anvan fen semès prentan an. SUNY ap resevwa yon premye faz vaksen pou vaksinen etidyan rezidan SUNY yo anvan yo pati pou vakans ete a. Vaksen an ap distribye bay 34 kanpis SUNY atravè Eta New York. SUNY ankouraje tout elèv yo pou fikse randevou vaksen yo anvan fen semès la, epi si li posib, pou chwazi pwen distribisyon ki rezève espesyalman pou etidyan inivèsite yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)